

Sarajevska deklaracija

Visoki predstavnik, Carlos Westendorp, je i dalje razočaran do sada postignutim napretkom u implementaciji Sarajevske deklaracije. Jasno je da se ove godine u grad neće vratiti planiranih 20.000 pripadnika manjinskih naroda.

Međutim, iako procjene o broju pripadnika manjinskog stanovništva koje se vratilo variraju, jasno je da se njihov povratak ipak odvija. Također postoje naznake da u Sarajevu treba povećati raspoloživi stambeni prostor kako bi se obezbijedilo više prostora za povratak.

Visoki predstavnik je radi toga preporučio Evropskoj komisiji da odmrzne finansijsku pomoć za projekte koji su određeni za stvaranje dodatnog smještaja.

Medjutim, organi vlasti moraju udvostručiti svoje napore kako bi u potpunosti proveli Sarajevsku deklaraciju i moraju pružiti veću podršku Komisiji za stambena pitanja u Sarajevu.

Ambasador Westendorp od njih posebno očekuje da do sastanka Vijeća za implementaciju mira 15. i 16. decembra u Madridu na zadovoljavajući način riješe sve pojedinačne slučajeve koji su navedeni u Sarajevskoj deklaraciji. On također očekuje od organa vlasti da riješe pitanja kao što su korištenje vojnih stanova, zatim insistira da se pruži puna podrška Sarajevskoj radnoj grupi za obrazovanje i da se riješe problemi nastali povodom pregleda udžbenika.

Visoki predstavnik je tražio da prije Konferencije u Madridu bude sačinjena potpuna procjena rezultata implementacije Sarajevske deklaracije. Rezultati ove procjene će odrediti stav koji će Visoki predstavnik i zajednica donatora zauzeti o pitanju buduće pomoći Sarajevu. Međunarodna zajednica neće nastaviti sa investiranjem u izgradnju novih stambenih objekata, ako se nastavi sa zloupotrebom postojećeg stambenog fonda.